

From: UUM CORPORATE COMM.
Sent: Monday, September 2, 2019 4:34 PM
To: UUM - All Staff; UUM - All Students
Subject: Pelajar Asasi Pengurusan Hayati Erti Kemerdekaan



UUM Corporate Comm.
Universiti Utara Malaysia

02 SEPTEMBER 2019 / 02 MUHARAM 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Pusat Asasi Pengurusan

PELAJAR ASASI PENGURUSAN HAYATI ERTI KEMERDEKAAN



UUM ONLINE: Bagi menghayati erti kemerdekaan Malaysia, Pusat Asasi Pengurusan telah melancarkan sambutan Bulan Kebangsaan bertemakan 'Sayangi Malaysiaku: Malaysia Bersih', baru-baru ini.

Timbalan Pengarah (Akademik) Pusat Asasi Pengurusan, Dr. Mohd Rashdan Sallehudin berkata, program tersebut bertujuan memupuk semangat patriotik dalam diri pelajar, di samping mengingatkan kembali jasa-jasa pahlawan dan tokoh negara pada zaman dahulu yang berjuang membebaskan tanah air daripada penjajah.

Sementara itu, pelajar, Muhamad Azamuddin Saifullizan berkata, program sebegini amat baik bagi memupuk semangat patriotisme yang dilihat semakin luntur dalam diri anak-anak muda.

"Ceramah yang disampaikan juga amat menarik kerana melibatkan komunikasi bersama pelajar yang mana secara tidak langsung pendapat dan pandangan daripada pelajar dapat diketengahkan," katanya.

Pada program itu, pelajar mengikuti ceramah yang disampaikan Dr. Ummu Atiyah Ahmad Zakuan bertajuk 'Sayangi Malaysiaku: Malaysia Bersih' yang menerangkan tentang evolusi sejarah Malaysia, tanggungjawab sebagai seorang rakyat Malaysia, perpaduan dalam kaum berdasarkan prinsip Rukun Negara dan cabaran masa hadapan terutamanya dalam aspek pendidikan, kewangan dan sosial.

Beliau turut menyentuh mengenai Wawasan 2020 yang kini disasarkan kepada Wawasan 2025 untuk menjadikan Malaysia menjadi negara maju dan contoh kepada dunia.

Majlis diserikan dengan deklamasi sajak 'Sebidang Tanah' oleh Iqmal Qamil dan Alya Batrisyia, diikuti pelancaran Tabung Ihsan Asasi bertujuan untuk mengutip sumbangan bagi menjaga kebajikan dan dana aktiviti pelajar Asasi Pengurusan.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.